

Paub Qhov Tseeb txog Kev Rub Nqi Pej Xeem

Daim ntawv qhia qhov tseeb no tsis yog siv ua cov lus qhia txog fab kev cai lij choj. Cov neeg uas muaj kev txhawj xeeb txog cov txiaj ntsig rau pej xeem uas tej zaum yuav cuam tshuam rau lawv qhov kev nkag teb chaws uas yuav tsum thov kev pab los ntawm tus kws lij choj txog fab kev nkag teb chaws.

Hloov kho tshiab zaum kawg nkaus Lub Kaum Ob Hlis Ntuj Tim 19, 2022

Txij li Lub Peb Hlis Ntuj Tim 9, 2021, txoj cai kev rub nqi rau pej xeem ntawm tsoom fwv uas tau nthuav dav yuav raug txwv mus tas li. Nws yuav siv tsis tau mus ntxiv nyob rau txhua qhov chaw hauv Teb Chaws Mes Kas lawm. Qhov no txhais tau tias:

- Cov neeg nkag teb chaws tuaj yeem tau txais cov nyiaj pab rau fab kev kho mob, khoom noj khoom haus thiab vaj tsev yam muaj kev nyab xeeb.
- Cov nyiaj pab no yuav tsis cuam tshuam rau lawv qhov kev nkag teb chaws.

Thaum Lub Cuaj Hlis Ntuj Tim 8, 2022, Teb Chaws Mes Kas Feem Hauj Lwm Saib Xyuas Kev Ruaj Ntseg Hauv Teb Chaws tau tawm txoj cai tshiab uas rov qab ua kom nkag siab txog "kev rub nqi rau pej xeem" uas tau muab los siv txij li xyoo 1999.

Txoj cai tshiab yuav siv tau rau txhua daim ntawv thov txog kev nkag teb chaws tau ua nyob rau los sis tom qab Lub Kaum Ob Hlis Ntuj Tim 23, 2022. Lub sij hawm no, Teb Chaw Mes Kas Feem Hauj Lwm Pab Cuam Rau Kev Ua Neeg Xam Xaj thiab Kev Nkag Teb Chaws (US Citizenship and Immigration Services, USCIS) yuav ua raws Tus Thawj Tswj Hwm Teb Chaws Biden [Lo Lus Txib 14012](#) thiab siv cov kev cai hais txog kev rub nqi rau pej xeem uas tau teev tseg nyob rau [Interim Field Guidance Xyoo 1999](#).

Tam sim no yeej muab t xo j cai hais txog kev rub nqi rau xeem xyoo 1999 los siv lawm, tab sis thov nco ntsoov tias:

- Ntau tus neeg uas tsis muaj xam xaj tau raug zam tawm los ntawm t xo j cai hais txog kev rub nqi rau pej xeem.
- Cov neeg feem ntau uas tsis muaj xam xaj uas muaj cai tsim nyog tau txais cov txiaj ntsig rau pej xeem uas raug zam los ntawm t xo j cai hais txog kev rub nqi rau pej xeem.
- Cov nyiaj pab feem ntau uas cov neeg tsis muaj xam xaj cov me nyuam los sis lwm tus neeg hauv tsev neeg tau txais yuav **tsis** suav nkag thaum lub sij hawm kuaj xyuas kev rub nqi rau pej xeem ntawm cov neeg tsis muaj xam xaj hauv Teb Chaws Meskas.

Mus saib USCIS [nplooj vev xaib hais txog Cov Peev Txheej rau Kev Rub Nqi Rau Pej Xeem](#) hais txog rau cov ntaub ntawv qhia paub ntau ntxiv.

Txoj cai hais txog kev rub nqi rau pej xeem tsis siv rau cov neeg feem ntau uas muaj cai tsim nyog tau txais cov nyiaj pab zej tsoom.

Qee tus neeg tsis muaj xam xaj raug zam los ntawm t xo j cai hais txog kev rub nqi rau pej xeem, uas yog suav nrog tab sis tsis txwv rau:

- Cov neeg thov uas tab tom nrhiav kev thov ua neeg tawg rog los sis neeg thov khiav nkaum;



- Cov neeg nyob ruaj khov hauv Teb Chaws Mes Kas suav nrog cov uas rov txuas lawv daim npav ntsuab ntxiv;
- Cov neeg tsis muaj xam xaj uas tab tom nrhiav kev mus ua tus neeg T (tus neeg poob phem rau kev ua luam muag neeg) los sis U (tus neeg poob phem los ntawm kev ua txhaum cai);
- Cov neeg thov uas tab tom nrhiav kev kom tau ua Tus Neeg Uas Tau Txais Kev Tiv Thaiv Ib Ntus (Temporary Protected Status, TPS);
- Cov neeg uas ua ntawv foob los ntawm nws tus kheej raws li Tsab Cai Hais Txog Kev Ua Phem Rau Poj Niam (Violence Against Women Act, VAWA);
- Cov me nyuam yaus uas yog neeg nkag teb chaws tshwj xeeb;
- Cov neeg thov uas tab tom nrhiav kev thov kev mus ua tub rog tam kev raug txim (PIP).

Cov khoos kas pab nyiaj rau zej tsoom uas suav tias yog kev rub nqi rau pej xeem yog muaj cov twg?

Tam sim no, txoj cai hais txog kev rub nqi rau pej xeem tsuas xam kev siv cov khoos kas no nkaus xwb:

- Kev Pab Cuam Ib Ntus rau Cov Tsev Neeg Txom Nyem (Temporary Assistance for Needy Families. TANF, cov nyiaj pab uas them ua nyiaj ntsuab txhua hli);
- Lwm lub lav, Haiv Neeg, dej av, los sis cheeb tsam cov khoos kas pab nyiaj ntsuab (“Kev Pab Nthuav Dav”);
- Cov Nyiaj Tau Los Txhawm Rau Kom Muaj Kev Ruaj Ntseg Ntau Ntxiv (Supplemental Security Income, SSI); thiab
- Tsoom fwv cov khoos kas uas txhawb pab cov neeg uas mus nyob hauv cov tsev kho mob ncua sij hawm ntev, xws li tsev laus los sis chaw kho mob hlwb.

Cov khoos kas pab nyiaj rau zej tsoom uas tsis suav tias yog kev rub nqi rau pej xeem yog muaj cov twg?

Muaj ntau cov nyiaj pab, zoo li cov uas teev tseg hauv qab no, yog muaj kev nyab xeeb, thiab **tsis** suav nkag rau txhua qhov kev kuaj xyuas kev rub nqi rau pej xeem:

- Oregon Txoj Phiaj Xwm Kho Mob (Oregon Health Plan, OHP) tau duav roos rau:
 - Cov tub ntxhais hluas hnub nyooq qis dua 21 xyoos (piv txwv li, Medicaid, CHIP thiab Cover All Kids)
 - Cov neeg laus uas cev xeeb tub (piv txwv li, Medicaid thiab Citizenship Waived Medical Plus, los sis CWM Plus), suav nrog kev pab them nqi tom qab yug me nyuam tas
 - Emergency Medicaid rau cov neeg muaj hnub nyooq 24-56 xyoos (xws li: CWM)
 - Tag nrho lwm cov neeg laus (piv txwv li, Medicaid thiab Healthier Oregon)
- Kev pab them nqi rau kev kho mob fab kev xeeb tub xeeb ki
- Oregon lub khoos kas MothersCare
- Lub Khoos Kas Pab Khoom Noj Muaj Txiaj Ntsig Ntau Ntxiv (Supplemental Nutrition Assistance Program, SNAP) los sis nyiaj muas noj, suav nrog EBT rau Kev Muaj

- | |
|---|
| <ul style="list-style-type: none"> • Kab Mob Sib Kis • Tsev luam thiab cov nyiaj pab them nqi tsev raws Tshooj 8 • Kev pab them nqi xauj tsev raws Tshooj 8 (piv txwv li, daim ntawv txhiv nqi rau kev xaiv vaj tsev nyob) • Cov Poj Niam, Cov Me Nyuam Mos Liab thiab Me Nyuam Yaus (Women, Infants and Children, WIC) (kev pab khoom noj muaj txiaj ntsig rau cov poj niam, cov me nyuam mos liab, thiab cov me nyuam yaus mus txog hnub nyooq 5 xyoos) • Kev kuaj, kho, thiab txhaj tshuaj tiv thaiv kab mob COVID-19 • Cov khoom noj khoom haus los ntawm lub txhab rau khoom noj los sis lub thawv rau khoom noj • Kev pab los sis cov nyiaj pab rau kev kub ntxhov puas tsuaj los sis xwm txheeji ti tes ti aw |
|---|

- Cov kev pab cuam fab kev kawm tshwj xeeb uas tau txais nyiaj los ntawm Tsab Cai Hais Txog Kev Kawm Rau Cov Neeg Xiam Oob Qhab (Individuals with Disabilities Education Act, IDEA) uas Medicaid pab them nqi.
- Cov kev pab cuam kho mob hauv tsev kawm ntawv rau cov me nyuam yaus nyob rau ncua hnub nyoog kawm ntawv
- Early Head Start thiab Head Start/Oregon Prekindergarten
- Lub Khoos Kas Noj Sus Dawb thiab Luv Nqi (Free and reduced School Lunch Program)
- Kev Noj Nyiaj Laus Hauv Xaus Saus
- Medicare
- Medicare Part D Qhov Nyiaj Pab Cov Neeg Khwv Tau Nyiaj Tsawg
- Cov khoos kas hauv Tsab Cai Hais Txog Cov Pej Xeem Mes Kas Uas Yog Neeg Laus (Older Americans Act, OAA).
- Cov khoos kas uas tau txais kev pab nyiaj los ntawm lub xeev los pab cov neeg laus thiab cov neeg xiam oob qhab (xws li, Oregon Project Independence)
- Kev Tuav Pov Hwm Kev Poob Hauj Lwm
- Cov nyiaj pab them nqi tuav pov hwm kev kho mob rau kev ua lag luam uas tau txais dhau los ntawm Oregon Lub Kiab Khw Muag Kev Tuav Pov Hwm Kho Mob
- Kev Them Nyiaj Uas Cuam Tshuam rau kev them rov qab rau Kev Zov Me Nyuam
- *Thiab tseem muaj ntau cov khoos kas pab cuam kev kho mob thiab kev sib raug zoo tsis tau teev tseg ntawm no*

Kev tau txais cov nyiaj pab zej tsoom tib yam nkaus xwb yuav tsis ua rau ib tus neeg twg pob mus ua tus neeg uas tos kev rub nqi rau pej xeem. kev kuaj xyuas kev rub nqi rau pej xeem:

- Saib rau cov xwm txheej ntawm tag nrho cov neeg tsis muaj xam xaj — tsis yog tias ntxim li lawv yuav siv cov nyiaj pab zej tsoom.
- Raws li tsoom hwv txoj cai lij choj hais txog kev nkag teb chaws teev tseg, mus saib cov neeg tsis muaj xam xaj
 - “Hnub Nyoog; kev noj qab haus huv; xwm txheej tsev neeg; cov khoom vaj khoom tsev, cov peev txheej, thiab xwm txheej fab nyiaj txiag; thiab kev kawm thiab kev txawj ntse”
 - Ua kom tiav Daim Foos I-864 (Cov Ntawv Pov Thawj txog Kev Txhawb Pab), uas tau ua sawv cev rau tus neeg tsis muaj xam, thiab
 - Kev tau txais kev pab nyiaj ntsuab yav dhau los los sis tam sim no thiab kev kho mob ncua ntev uas tsoom hwv pab them nyiaj.

Puas muaj lus nug? Tsis yog muaj koj ib leeg xwb. Nws muaj kev pab.

- Hu rau Oregon Cov Nyiaj Pab Zej Tsoom Tus Xov Tooj Hu Thaum Kub Teg Kub Taws ntawm 1-800-520-5292.
- Mus tshawb [Phau Ntawv Teev Cov Kev Pab Cuam Fab Kev Cai Lij Choj Rau Kev Nkag Teb Chaws Hauv Ntiaj Teb](#) pub dawb los sis kev oab cuam fab kev cai lij choj nqi qis.
- [Tshawb saib](#) hais txog rau tus kws lij choj fab kev nkag teb chaws ntiag tug hauv koj cheeb tsam.
- Qee cov niam txiv pej xeem Oregon yuav tuaj yeem muaj cai tsim nyog tau txais kev sawv cev pub dawb ntawm Portland Lub Tsev Txiat Txim Plaub Txog Kev Nkag Teb Chaws los ntawm Equity Corps of Oregon. Kawm paub ntau ntxiv los sis nrhiav kev pab [ntawm no](#).
- Nrhiav kev pab nrog lwm yam teeb meem kev cai lij choj xws li vaj tse nyob, kev saib xyuas, kev sib nrauj, kev ua hauj lwm, cov neeg poob phem txoj cai, thiab ntau yam ntxiv uas yog siv [Oregon Law Help phau ntawv teev cov kev pab cuam fab kev cai lij choj uas tsis vam paj ntsig](#) los sis [Oregon State Bar Qhov Kev Pab Cuam Xa Mus Rau Kws Lij Choj](#).
- Tau txais kev xeeb toom qhai los ntawm kev mus rau [protectingimmigrantfamilies.org](#).